

乖崖先生文集

三

永崖先生文集卷第八

記

麟州通判廳記

今之通判古之監郡郡政之治助而成之郡政之戾
 矯以正之此足以宣天子之風達窮民之志也我國
 家開疆八荒列郡五百皇德所被人用胥悅皇威所
 加罔不震恐故使一儒者鞭制荒外何其壯耶麟州
 舊壤寔曰新秦按秦武王轉徙東民以實此土久用
 滋富因以名之漢隸朔方之郡唐為勝州之域匈奴
 接荒在河一曲党項部族漢氏氓居長城基前屈野川

馬言樓

基下有具

其左右帶樓煩之境南徧赫連之鄉惟府由茲脣齒
 相輔開元年中羣蕃搆逆燕公張燕致討請城麟州
 所以安餘種也顯德之末劉崇不賓揚威作藩移壘
 斯堡所以護并寇也顯德五年通判之職殆未嘗設
 雍熙二年夏六月始某拜命倅蒞是邦其輯兵綏民
 禦侮致餉利與守牧相為表裏爰卜安堵以宅厥處
 取材因舊不奪民力所事敞閑獨首陽位所故所停
 也使停息其間又所聽也欲所行其教蓋禮之攸屬
 民之是依得不慎哉於戲居道惟艱、於審賢臣道
 惟艱、於克官民道惟艱、於能安若是所也帝王

刊係判



舟下有之

遊作尤

若厄之若作苦

想休相

荐休存

之詔令存焉千里之刑政繫焉苟職君之務如饑嗜
食待君之民如子候息則明怒中出刑政用清內杜
擅權之吏外絕無告之民謂斯廳也字履疆內人用
休息若忽君之令寇君之政掠民膏腴為妻子謀則
志辱於貪事成於濫既厚蘊擯之責亦速覆舟咎謂
是廳也醜甚屠肆其何遊焉賢行難著仁心易隳敢
鏤廳壁取為政規後之君子勿為妄也時皇宋雍熙
二年八月日記

陝府迴銮寺記

粵若我佛之教也以大悲憫拔無量若厄大智慧破

賜言樓

一切邪見色想未空文字流衍滋法雨之惠施清火
宅之烟焰茫、苾芘資精進以成果悠、兌俗識嚮
善以蒙福存諸中國者正由是歟周天王書懸象之
變漢天子証金人之夢其源濫觴寢以成海吳魏之
后咸予伸之廣於晉宋盛於齊梁也王城即縣想象
於祇園名山大川半同於鷲嶺靈因聖果釋典備荐
焉迴銮寺者唐宗代返正之所建也天網疎、胡羯肆
害惟陝之休銮興至止土德斷而復續者黃帝所以
告帝休也青天裂而再補者尚父所以戡巨難也大
明始更帝其念哉大曆二年詔陝牧節東諸侯歲貢之

貨為朕守之所以表殊績而謝玄聖也宝應元年荐
賜名號所以誌聖感而亦無窮也緇徒雲趨歎甚希
有洎唐祚告衰内夷作梗巢孽蔡盜揭竿而趨流毒
於陝弥歲未殄檀爐灵刹資為烽候之具清磬鴻鐘
翻成鞞鼓之響殊功勝事一旦委地者哉降及有梁
纘天称帝宗臣異王允釐斯土謂六度可以參五帝
存善所以增厚德眷彼遺堵遂發誠願我賂既以雲
委累回而影附民力不匱功用斯集猗乎大像中尊
欲示有為之教三門外阨回嚴象帝之居高閣層樓
若峯之峙長廊正殿如翼相附宴堂食廬罔不兼備

賜書樓

天祐二年夏四月門吏告成王命我先師審志大德
主焉師姓郭氏當郡沙子人也幼趨精舍日成習性
之漸長悟塵累卓有擢落之志謂心可傳礼長智於
咸鑄歎聖將遠恭文殊於五臺戒珠不缺慧炬增照
既兆真寂之應終動王侯之請登堂之後歎言善哉
静節可以勵俗有作所以成住室與馨懸行亦冰立
顧榛蕪如寇雉随意剝落為坎埴非心地與之平坦
月階日衢以至休哉言念慈人迷遠真覺故和其容
以附衆正其詞而化行惟和與正其漸民之級歟於
是登師堂者頑必易慮誕必守節誓用開視愚或成

哲豈徒超玄邁空獨利學者亦使忠義仁孝因由是
生今主院某志本孟浪心隨昭通事師如父礼師如
佛三十年内一物不遺實僧國之能賢而玄門之宗
主也某器具克肖覩此盛目略助援毫用存實錄金
壇示法愧引喻於無窮石柱旣詞莫存功於不朽時
皇宋開寶七年月日記

益州重修公署記

并梁周翰係

按圖經秦惠王遣張儀陳軫伐蜀滅開明氏卜築是
城方廣七里從周制也分築南北二少城以處商賈
少城之跡今並堙没命郡曰蜀郡自秦至漢民戶益

賜書樓

繁改郡曰益州由漢至唐逆順增損出諸史論此不
復言隋文帝封次子秀為蜀王因附張儀舊城增築
南西二隅通廣十里今之官署即蜀王秀所築之城
北也唐玄宗幸蜀昇為成都府唐末政弛諸蠻内寇
高駢建節即時驅除以為居人圍閑多縈腫疾始築
羅城方廣三十六里

清遠江元在州前日
築羅城開務今所

顧城之大小足

以四民之治否朱梁移唐鼎遠人得以肆志王建孟

知祥迭稱偽號乾德初王師吊伐申命參知政事呂

餘慶知軍府事取偽用勳府為治所淳化甲午歲土

賊李順據有州城偏師一具尋亦殄滅

是年降
府為州

危樓壞

屋比比相望臺殿餘基屹然並峙官曹不次非所便
宜至道丁酉歲某始議改作計工上請帝命是俞仍
委使乎以董于役其計材也先二年討賊之始林菁
陰深多隱亡命許其剪伐以廊康莊得竹凡二十萬
木掾二萬條賊亂之餘人多違禁帝恩寬宥拾死而
徒又以徒役之人陶土為瓦較日減工人不告倦歲
得瓦四十萬新故相兼無所闕乏毀逾制將顛之屋
即棟梁拊櫨之衆不復外求平屹然臺殿之址即磚
礎百萬之數一以充足其計役也得繫岸水運二千
人更為三番分受其事夏即早入晚歸當午乃息冬

賜音樓

即辰後起功始申而罷所以養人力而護寒燠也自
夏徂冬十月工畢無遊手無事丁所謂不勞而成矣
其計匠也先舉民籍得千餘人軍籍三百人分為四
番約旬有代指期自至不復追呼由臺殿之土資圻
塤之用與夫墾地勞人省功殆半其東曰孟氏文明
所為設所廊有看樓所後堂中門立戟通於大門其
中曰王氏西後樓為後樓、前有堂、有掖室、前
迴廊、南暖所屏有王氏名畫雙鶴花竹恠石在焉
衆名曰鶴所次南涼所壁有黃氏畫湖灘水雙鷺在
其登二壁泊鶴屏
皆於壞屋移置 曰名曰畫所涼暖二所便寒暑也二

所之東官厨四十間厨北越通廊、北為道院一所
一堂厨與道院本非正位蓋樽臧古廊二礎之外盈
地所安也涼厨所西有都所、在使院六十間之中
所以便議公也院北有節堂、北有正堂與後樓前
堂為次西位也節堂西通兵甲庫所以示隱固也涼
都二所南列四署同寮以居前門通衢後門通所所
以便行事也公庫直室客位食所之列馬廐酒庫園
果疏流之次四面称宜無不周盡踈篁音樹香草名
花所在有之不可殫記東挾戍兵二營南有資軍大
庫、非新建附近故書改朝西門為衙西門去三門

賜書樓

為一門平僭偽之跡合州郡之制允謂得中矣不捐

一錢不擾一民得屋大小七百四十間

二營不在數

有以利

事矣若俟木朽而後計役耗官損民何啻累百萬計
州郡興修無足錄且欲旌其削為偽正無感遠民使

子、孫、不復識逾僭之度恭以給事聖門上賢當

朝碩德立言稽事瑤合化光元不虛美不隱惡文成

筆端動即不朽欲憑實錄以光遠方其興修事跡已

述在前給事中判昭文館事安定梁周翰係曰夫九

州之險聚於庸蜀為天下甲也五方之俗擅於繁侈

西南為域中之冠也多獷鷲而奸豪生因厖雜而礼

為偽作偽為

瑤作瑤

九行畢臻二字下
應接後世三行同
翰句 自幸南
康以下乃下篇界
州記內之文

義盡朝廷精求良牧憂在遠人每難其材頗猜厥慮
亦時有違拂上意侵鑠下民理絲而數焚澄水而屢
撓公屬賊鋒肆虐之餘主將驕兵之後收其汚染滌
惠澤以天波拯其傷夷示大造於聖詔萬族有其生
意比屋返其營鬼伊公之推心合 主上素志顧公
府之故治皆偽政之遺基乃削大壯之宏規俾循列
邸之常式不勞弊於民力不糜散於國財歲未云周
民觀驟改凡視事之所洎燕勞之堂察吏之所休遊
賞之所適竹樹花本所至畢臻自常南康驕悍之餘
孟先主僭悖之後共安其過 以聞或高才沉於

賜書樓

下察治声被於四遠御黨之孝悌岩谷之貞純悉係
明揚用称中旨加之辯惑煥然易從如此則上無曠
官下無寃人馴良適意克邪喪朋欲民不謳歌於路
時不頌雍熙者未之有也至于移多補少利於均輸
漕輦羨積上實天府茲為心計較然後知於戲若道
皆得人雖四海之大萬里之遠 聖君覽御如在目
前所謂今之轉運兼國家分制行臺之權亦公卿試
吏之地烏獨曰三司子司乎就裁朝廷數十州事以
尊主庇民為已任者轉運也豈不曰公卿試事江南
轉運司開寶甲戌歲取偽司會府為之大中祥符已

酉民火日風立焚千室老屋承勢化為煨燼其既慙
且惧亟思繕全復嘉二公臨事稱職不敢以撓為憚
不敢以勞為詞戶借一工、輪十日未春經始首冬
畢功所喜者民不知倦官不至費公宅成焉顧庭除
之廣袤棟宇之多少有次有列來者咸覩他日朽去
記將何益今所記者欲後之君子慎惜名器修舉職
業使非道不得萌生而平民受賜足以擅試才之譽
副臨軒之囑不其偉歟與夫循默養名恬習以成風
若今之所營實毆以合道輕浮潛厚凶伎漫仁循吏
所能允克皆踐苟採訪之吏亟以狀聞而疇庸之息
遍當不需叅三事之廢政翊大居之鴻猷休泰之辰
恢闡益盛乃中外之同詞也周翰柴愚有素顏鑄寧
希自罷禁林出判上館漸迫老傳之齒復多負薪之
憂滯思本微小才疑畫遠承延矚久未稱懷盖明公
語營繕之源叙致周密密垂勸戒之音通協神聰止
以寵示之文便為貽代之式輒書後係聊贊元功時
學士侍郎授代歸朝之年撰行之日周翰謹述于碑
之陰云

昇州重修轉運司公署記

聖人造天下必區土以居民畫疆以為國小大之政

四行異法也下
應接上前篇
自書南至同詞
也廿三行文

授之賢才俾風教下暢民情上達上下交得則治道
具矣有唐列天下十道國家因唐旧制道置轉運使
主馬豈徒提行臺漕運之職亦以代古諸侯分制之
權期部執事不得擅為異法也誠以命令稟於天子
其昭著能事厥惟善良苟郡縣不得德奸豪任情蠹
弊目仍刑罰不正民有不得平者征歛違度巡護不
謹毒有流於下者咸得致詰裁正與自大者不同日
而議也時宋皇大中祥符二年十二月二十二日記

春日宴李氏林亭記

人生無賢愚黜孰不欲快身於顯貴休思於榮賞二

賜書樓

者天下之通美小不適宜則儒者黜其非道矣李公
之林亭適宜矣公之門勲耀於世孝友光於家得不
崇軒館疏亭苑以發其榮耶天衢九通我宇其中皆
室迎陽亭林鑠芳故賢者謂其外作官勞內適情性
不肖者謂其外張威氣內尽荒伏若李公之賢遠矣
朝倫之傑時樂其遊文墨之雄日爾其交於以季春
元日宴於羣士陽光入林宣靈和氣酒酣樂備羣公
賦詩九河生倡言於坐曰且天大梁帝天之都畝地
千鎰一廬千金安然闢廣庭作芳致豈不尊性而貴
奇欵人生世中百勞万勞安然 榮賞豈不德至而

尽旁注養
伏作佚

而貴顯歎身服世榮或蕩而輕安然與賢者遊豈不
志大而識遠歎更若剋萬峯畦百藥豈不安仁而履
義歎松篁嘯風恠石嵌虎豈不体節貞歎又馬嬰花
迸紅乳草織綠而已竹林誕放金谷淫侈亦奚足俦
也堅此志節金全此令儀何嗣業之不顯何編簡之
不榮野夫非倭直序芳猷凡諸同筵列名于右

序

送趙况進士謁李員外序

世祿之子負竒節異才者尤令人多之天水趙况故
右丞之幼子也當食齒未堅而孤既冠而貧苟非正

賜書樓

氣內融真道入安不為驕蕩所溺而羈惇所困者

耶前予來洛中豪貴哲士往、頌其能試與之語
廓然見丈夫之氣觀其草詞索意則語韻暢

摘

冥遠尤能辨舜禹商周所由之道揚孟韓抑駁正之
旨其畜庶矣真可多也哉亦謂士之貯道德盤、然
若大塊罔風崇丘苞雲曷莫施之乎今年秋果為洛
侯以賢名貢之趣來京師詔已罷舉嚙嘻貴人子義
且自負苟未能通任於國君焉有蹂汙腸肺曲媚以
厚已耶雖梁穎二賢雷尔亦甚彼何力緩尔屑、字
餓僮羸馬將嫁於齊寒氣酸骨寒風慘肌蕭條千里

此行謂何且大丈夫旅於天地通塞不足易其慮何
小勞暫別驚心乎戒車之晨賢俊三十輩歡餞於原
昌黎韓丕詩以將之九河張某序行以多之已而
日齊邑李大夫天下之賢今從之遊他年再會帝鄉
揣尔用心之道進如何也

送田錫韓丕之任序

宋皇嗣天子仁明而多文功發正治為太平先是用
頓天網羅英豪以至中夏荒徼弗敢隱其賢歲貢于
闕下者五千輩號秀異者五百人 皇帝顧喜策問
金殿有以革前法之弊樂得賢之衆既得之亟用之

馬書樓

當陞釋褐初命監州曠古哲王審賢進用之蹟若莫
斯之盛者也 萬衆醞唱流震天下九河生間而夥歎
疾至輦轂性愚既徂無与人事故不果知階青雲者
若之賢乎韓田二生預熟其操觀其言非不義不出
回行非仁義不履文彩純正爭走造化嘻可畏也仰
天頓首多賀 明天子得賢之實有若是哉是行也
衡宣千里之邦可以揚大帝之風達君子之志編民
有 教十室有耆艾俟其化行而希顏者未上都予
即磨其風度如此何尔僕馬在御江山匪遙亭柳弄
黃離酒泛綠盞醉即去勿作兒女子之訣也

不殊仁
無回字

贈丘生別序

英賢生於世豈徒尔哉必与神龍岳雲曹走天下方
今時運和會 天子仁聖動植之類咸寧其休况於
人乎况於賢乎丘生之賢世亦罕得執行之淳專文
之真闊邪偽如含耻極丘軻之遺風問其年則冠而
有加責其名則炫駭京國何金馬之未試休栖、於
旅途炎光熾空淮海千里牽喻不畜訣我東氣去維
雲龍之氣有時而神若王孫羈孤寧不歎惋衆君子
悵餞隋岸声詩贈行下交淺蕪聊為序引賡奏孤舟
一章以抒勤懇詩曰汴水湯、維舟中央其去也茫

賜書樓

茫其來也茫、与其濟兮馬知古之人不同舟而樂
康

許昌詩集序

文章之興惟深於詩者古所難哉以其不公行事之
跡酌行事之得失疏通物理宣導不情直而婉微而
顯一聯一句感悟人心使仁者勸而不仁者惧彰是
教過抑又何多可謂擅造化之心目發典籍之英華
者也洎詩人失正採詩官廢淫詞曼唱丰成譎談後
世作者雖欲立言存教直以業成無用故畝意者鮮
有如山僧逸民終老耽翫搜難扶音時得佳句斯乃

寧作迎

不作下

扶作扶

正始之音翻為處士之一藝尔又若才卑不能起語
思拙困於物象與詠違於事情諷頌生於喜怒以此
較之果無用也其中淺劣之尤者体違盜人意用為
已功銜氣揚声略無愧耻嗚呼風雅道喪若是之甚
歎許昌薛侯詩人之雄乎觀夫所尚率以治世為本
隨事刺美直在其中放言既其竒意在言外謂才俊
之偉也蹂躪時事聚謂國風謂風流之至也貴農賤
賈資為心術苟引而伸之豈不能黜邪歸正去煩從
簡致君道有緒而民業用休唐德下衰薛其已矣夫
世議自伐寡於謙称胡不云主道之過乎往、逸韻

賜書樓

流入鄭声如吳姬并洛歌人等詞感傳人間未易刪
去知言之愛掩覆無由蟻阜之缺白珪之玷也斯言
之失君子之薄也操履之跡可不慎歟薛詩十餘篇
少得本全咸平癸卯年余移自咸鎬再莅三川歲稔
民和公中事簡時會同列引蒲酬詩曰議近代作者
各出薛集僅得十本五言七言二韻至一百韻凡得
四百七十篇爰命通理太常博士王好古太子中允
乞伏矩節度推官蕭宿從長叅校依旧本例編為十
卷授鬻書者雕印行用字未盡精篇亦頗略予夫世
傳訛本深有可觀是年乙巳秋八月樞密直學士尚

書刑部侍郎知益州兼兵馬鈐轄張某序

送進士張及赴舉序

益都去帝鄉四千里平昔英俊怠於進趣况更賊亂之後例闕資生之計鄉老之薦聲響久絕今年秋華陽邑大夫以三進士為請試官頌其文閭里稱其行又嘉其跡忘返闕心恋明聖有以彰遠人既又吾君德澤流被於無窮也近世取鹿鳴之什以饗貢士斯筵之啓殆若是乎舉送官老不勝酒亦醉且喜因請詩以將之衆君子詞學先鳴請為賡歌之

碑銘

賜書樓

大宋贈監門衛將軍上官公神道碑銘通天通天地之道謂之聖通人物之道謂之賢聖賢不偶於時者有之矣未有不知道而能声名光大者也公聖門之賢者高陽氏之裔楚大夫子蘭之後世有明德家傳懿行祖某父某值唐末亂罹隱德不仕公志度閑遠履行修謹長於干戈之時不廢俎豆之業始學禮知三代損益藝精御人諭之請仕公曰唐德下衰諸侯擅命土宇分裂命臣無幾况春官氏失職任進不由權倖者鮮矣若由道以行已雖執鞭之士吾無子辭苟枉道以事人使羸金列駟吾耻有也兵戰

無日民力不堪大梁四通供餉兼倍一日諸父曰尔不應鄉選當休吾家子遂從三司省召為主藏吏居積歲以清謹聞選為寧州糧料使又轉廊州糧料使備軍期也乾德初前軍尅蜀又選為洋州糧料使荆土久又蜀川既平轉江萬艘委積無筭承命于荆以董財計當時處此職者以侵聚財為己任以買權徵勢為能事奢靡擬於公室氣艷侔於貴胄公独備然如古貞士嗚呼安早以樂志捨利以趨義豈不謂聖門之采賢開寶七年公年六十三遘疾於荆之傳舍臨終謂長子正曰吾學与仕越四十年志無所適此亦

賜書樓

命也尔讀春秋知褒貶之旨更版攝得為政之要當誠明以遇物則終身不匱當篤志以臨事則所向皆得顛沛造次無忘於仁能成吾志死且不朽長子泣血奉訓扶柩以歸服除由攝資授殿前承旨以材能累遷西京作坊副使充劍門閔使淳化甲午歲盜起兩川蜀城俱潰衆號百萬直趨劍門加以敗卒亡官先日而至人心恐悚投死無地乃誡曰有議北歸者梟首有不用命者支解人皆帖息不敢仰視独提兵出關連戰却賊氣於是沮矣我関於是固矣以奇功超授六宅使劍州刺史明年

意作檄

官下有贈字

女妹安

右班殿下有七字
直仁而有新策
伏其妹三男早
卒長女適三強
次下有女字

天子以主將遷延餘寇未殄遂授峯州團練使西川
招安使以代焉既擒且誘示信推仁七旬賊平多見
全活次年秋巡檢不仁官軍生彙嘯聚亡命圖為亂
階三日而回郡不守五日而兩川震驚決於次晨長
驅入益自戒師旅逆戰方井戰酣兵却衆皆失色於
是下馬揮劍有死無二鼓怒增氣戰功遂成賊有逃
丹者命一介之使擒於壘中人有未諭者飛尅賊之
意遍於川峽人頓安如脫虎口既屠其賊又安其
民所謂仁勇兼致者也尋授南作坊使賞軍功也議
者謂劍門之守堅守也方井之戰死戰也非此重貽
吾君之憂乎重罹川民之患乎寵厚譽遠誠有謂也
明年替歸授東上閤門使其戰守之奇蓋由誠明篤
志動不忘仁成先訓也其功業之著蓋立身行道光
揚令名成先志也傳不云不在於身而在子孫乎上
官氏之謂矣淳化郊祀慶恩公以長子官率府副率
至道中再贈率府率
今上即位加贈在左監門衛將軍娶袁氏今長女即
太君惠淑慈愛有賢母之稱生男五人女二人長男
正前所謂有軍功者第五男某見任右班殿奉職張
奭次未筭而卒咸平二年八月四日葬於開封府封

賜言樓

丘縣旧鄉某原里也諒與公長子同方井之憂目而
歎狎熟知善行是用直書乃為銘曰
猗歟哲人懷明抱真志高位下德不及民平生之意
傳於嗣子遂崇戰功成公之美目加榮封綽然華宗
所謂生不易操死而志通者也嗚呼休哉

乖崖先生文集卷第八

乖崖先生文集卷第九

表

通判相州求養親表

臣某言臣聞以祿奉親孝子之常道也從人之欲聖
 主之廣愛也臣中謝竊念臣生居仄陋長值太平遇
 陛下好文故臣一上聖進士之第遇陛下求治故
 臣再任為登朝之官揣分撫躬磨頑礪朽使臣冒白
 白刃履重艱不足以謝陛下待臣之賜也况河相
 大鎮王連疆委重者親民望美者倅即猶復拳
 誓志欲求改官者美遇陛下考治之時臣有遺親

賜書樓

考作孝

之咎也重念臣十年聚學悉是離鄉兩任遠官皆非
 迎養近日受命曾到旧廬雙親扶羸顧臣以泣臣非
 死木得不傷心臣亦引諭國恩用相慰勉終且忘其
 本土不肯隨臣之官朝夕系思方寸以乱臣又聞不
 可再得者父母幸而獲遇者聖君若不剖心見詞違
 制以請則上辜陛下廣均物之恩下使微臣負終
 身之戚臣之家屬近隸濮州竊聞州城例有酒稅望
 迴天眷察臣愚衷則臣乞納升朝兩官換監濮州一
 務臣非矯激盖欲明危迫之志也若此則内有承顏
 之美外諫陳力之方匪惟臣身獨荷榮遇亦使四海

諫作諧

之內百世之間孝子良臣聞風增慶其如畢身命報
鴻私生民常心豈合陳露干紀 天慈臣無任戰汗
激切望之思至謹奉表陳乞以聞

荆湖轉運蒙 恩將諭謝表

臣某言今月二十七日密院遞到敕書一道蒙恩特
賜獎諭者皇文昭爛睿眷重深拜恩而力若不勝揣
分而心無所措中謝臣間量材受官明君之善教盡
力事主臣下之常心苟規矩之不踰則上下之交慶
臣之所備佩謂之至言恭惟徽號皇帝陛下應運乘
乾体天行道謂文為理時之本故親策賢良謂公為

賜書樓

御下之規故明懸教令信無有幽而不燭在有物以
咸蘇昭、然穆、然誠千載之一會也竊念臣賤同
草芥器甚斗筭徒曰總髮之年便學為臣之業以至
出隨鄉薦恭逢聖時當召試金階賜科名於異等洎
掄官天府委漕運之要司恩遇有加驚愧無尽是以
身為外事公作中謀既不敢曠職徇性惟求自適亦
不使容奸黨惡以博虛名方虞積毀以銷金豈意飛
声而悟主爰迴聖獎俯降天書匪徒一介之臣傳榮
不朽用使九流之士礪志無窮此盖 皇帝陛下鑒
洞古今義形普率欲貪之易慮故慮慎以為文臣復

徽號
小字偏寫
以不其多

貪下有
邪字

何功可以當此惶駭之至莫知所裁得不益勵至誠
恭遵大教雖削繁理劇未通使物之宜而竭節盡忠
更切報君之願云云

奏鄭元祐事蒙 恩獎諭謝表

臣某言今月十七日密院遞到勅書一道蒙 恩特
賜獎諭者恩自天來榮加望外拜伏之次惶駭失圖
中謝臣聞君道明則議著上好禮則下與讓此有國
之大章治朝之餘裕也如臣操植無可一堪徒自出
身遭逢聖主適有采所擢充轉輸臣雖愚蒙亮切感
憤是以不捨晝夜惟思公忠以便民尊主為常規以

賜言樓

誠作誠

署作置

使作便

除邪翦弊為已任遂致貪官詬怒豪吏震驚謗聲塞
於道途毀狀聞於旒冕恭惟神斷處在不疑使臣勤
劬得盡任委此所謂 陛下至明而臣誠稍著也近
者制署使紀臣職事上達宸聰感天眷以軫憐加筆
書之慰勞臣雖不稱伏用增慙且制置使与臣生平
未嘗識面略聞履莅使与薦論絕古人忌黨之私見
義士徇公之節此所謂

陛下好禮臣庶與讓也明矣大恩莫報至聖難名但
切戰兢以下終始云云

讓起復表

臣某言今日三日閣門勾喚蒙恩特授臣起復依前
守尚書虞部郎中充樞院直學士散官勳賜如故者
臣聞父子之情其喪也有終身之戚君臣之義其深
也有起復之文如臣頗蒙方員罪累忽被殊寵寔難
為心臣誠感誠咽頓首頓首竊念臣河朔單門天下
孤跡值文皇之肇運偶儒學以謀身始中懸科既不
由於勢援洎充近侍皆出自於天恩未能公道以誓
誠豈意私門之降禍故當屏絕以履衰摧伏蒙

皇帝陛下過所微臣稍於勤盡起居從苦次今就朝
行雖出縛是榮願耀士人之目而旧巢與感若為禽

賜言樓

鳥之情欲望特輟明恩許全私礼服麻啜菽期少報
於劬勞移孝資忠庶無違於風教干冒天慈臣無任
祈天瀝懇哀摧咽哽之至謹奉表陳讓以聞臣誠衰
誠切頓首頓首謹言

謝起復表

臣某言今日五日准中書劄子伏蒙 聖慈以臣所
讓恩令不行一依指揮給假候回日朝謝者皇私日
麗睿渥春迴退惟賤微再切驚惧臣誠慶誠幸頓首
頓首竊念臣處世無才逢時有幸既將身以許國兼
得祿以榮親所恨者先臣卧疾之初闕於嘗藥所苦

動作
動

者丹旄出門之日不得攀棺遂瀝懇以祈天冀投誠於終喪伏蒙 法天崇道皇帝陛下憐其近性示以奪情殊常曲降於恩輝自遠許從於假告灵前一動庸知有後之人此外何求但覓報君之路臣無任感禱天荷聖激切屏營之至謹奉表稱謝以聞臣某誠禱誠感頓首頓首謹言

賀西州賊平表

今下條得鈐轄
恭作供
三字

臣某言今

進奏院告報寄班恭奉官安守忠

到闕奏十月三日富順監與賊相見一合殺下軍賊斫到王均首級掩殺招降到賊人草補人員共六千

賜書樓

余人其賊並已翦除靜尽者臣當時集軍州官吏僧道百姓曉諭訖小醜亂常偏師致討尋聞就戮大快羣情中謝竊以太祖開基廣之以教導太宗臨極益之以慈仁萬方浹洽於皇恩百姓不知於日用恭以皇帝陛下道光先志化被無垠含氣遂生如逢於煦日行謁載路共贊於昌時而獨王均愚不畏天飽思吠主扇搖克黨搔動邊城 皇帝陛下猶示招綏冀其悔悟迷而不復有煩問罪之師困極斯逃方信滅身之禍雖將臣之宣力由英 之授謀四海一同慶於此臣叨塵班苑獲守藩方誠無執銳之勤實慙

英下條主字

一字下有
苑作院

除奸之願云云

杭州蒙 恩獎諭謝表

臣某言今月十五日進奏院遞到詔書一道為本州百姓滕超等舉留臣蒙恩特賜獎諭者臣叨任藩宣曾無政績忽目民欲俯降天書光寵異常惶駭失據中謝臣聞舜稱善人即不仁者遠漢求良吏即守道者前所以極理體之大中致生民於康樂也恭惟徽號皇帝陛下遵漢之道行舜之心與一事未嘗不恭儉為先命一官未嘗不惠愛為寄故得朝風寬簡世態淳和史官但記其時雍野老不知於帝力臣叨

賜書樓

恩
作
因

塵有位獲預頒條雖志在推忠莫著分憂之効而心期濟衆未知為治之方徒以浙右近年民間小歛既蒙明勅與蠲之於賦租復降異恩又賑之此口粟此皆皇猷所被民事重蘇靜言所息於臣何有顧惟下俚不識大端譽臣之長掩君之惠敢干雙闕留舉微臣蓋遇 皇帝陛下道在包荒恩從獎善既不 民之僭冒亦不究臣之曠遺便在筆書曲形慰勞人百皆喜臣獨未遑且以江外諸州抗為巨鎮臣之到任已踰二年未能使民絕忿爭未能使吏知廉耻蒿萊之有所不盡闕獄訟之有所未盡空自謂孤奉彛稱

闕
作
闕

略無善行謬榮漢選不見良能是以臣受寵載驚覲
顏增愧也得不更思体國益用竭誠求古人化俗之
方副 明主愛民之旨望禪萬一少報生成

謝恤刑表

臣某言伏蒙聖慈賜臣恤刑詔書一道臣已當時行
下訖時屬長羸息推歛恤渙若好生之德彰乎慎罰
之文遠迓之心歡抃失次中謝臣聞昔者明王之治
天下也作是五刑明茲三訊所以重生民之命而為
大化之防恭惟 微號皇帝陛下儉以率衆仁以愛
人治定功成刑清事簡猶慮煩陽之候不無輕繫之

賜書樓

人首發德音俾觸網者有自新之路復頒明詔欲分
條者絕舞法之心式是大和同登於道至若有虞之
畫象大禹之泣辜用此憂勤曾未差忒臣本疎材術
謬掌卽符不能宣導於化風未得空虛於囹圄僥懷
恩顧復用^伏兢慙是以益勵至通誠恭遵大訓雖知所
審難臻明恕之方一覲寬平少副哀矜之旨云云

賀聖駕幸澶州還京表

臣某言今日七日入內高班王某至伏審

奎輅已於十九日却還京闕者中外士人朝昏系望
綵間返駕共慶丹誠中謝竊以四海久安三農始隙

抃
作
抃

微
作
微

忽意北夷之俗輒萌犯順之機恭惟 皇帝陛下忘
黃屋之尊務息民之道聊舉省力之典因陳問罪之
師果致雜虜革心使人請命屬大道含容之德不責
小瑕而著明臨照之恩許其通好允得弭兵之略兼
光柔遠之風華夏之情歡抃交至云云

謝除吏部侍郎表

臣某言今日 日密院遠到官告一通勅牒一道蒙恩
特授臣中大夫吏部侍郎加食邑五百戶食實封二
百戶上柱國仍放朝謝者臣間周寵名侯始行加地
之賞漢崇良吏方推增秩之恩不啻妄及於匪人有

賜書樓

以騰輝於當世豈以天官少宰上柱殊勲中大夫漢
之清貧食實封唐之極賞一日併授在臣何堪儻稽
責實之文深躋陟明之典榮多益懼處不知寧中謝
竊以臣才不兼人愚惟守己每念流年易失好事難
成故急、以行心亦拳、於勵節爰自出專外計入
直中樞歷司臺省之權兼攝諸侯之政謂奸回不比
無以、聖主之明謂克惡不除無以解黎元之患臣行
此志殆十五年豈不有惡上之民曲飛謗議豈不有
怙權之黨妄指瑕玼絕無一日之尤以汙三章之法
者蓋由 先皇帝知臣於疇昔 陛下明臣於當今

似作以

世作也

迹作逋
族作旌

獨慶逢時過於往哲臣之感情豈易為言一昨移自
 雍知委臨蜀土單騎徑發冒熱而來冀伸馭遠之勞
 少達報君之志是以宣揚聖化下慰疲羸啟導皇威
 傍加克醜人似知勸歲仍小康惟將不辱命為榮亦
 以免厚譖為幸豈期睿睭超与臣官渙汗已行辭拒
 無所伏遇 徽號皇帝陛下明同皦日安若陽春行
 周文之小心惟公之恤有漢高之大度衆善皆臻歲
 久而天地同和道在而人神交感然後九儀述職五
 輅鳴鑿謁清庙以祀親登泰壇而享帝大賚之慶已
 洽萬方議者謂 陛下展禮上玄讓功世推恩百辟
 勸善也廣金帛之賜成卒志勞加封贈之官人子盡
 孝寬有罪叙有過蠲迹祖召亡命仁之志也奉賢才
 廣諫諍族貞退惠力田義之和也浩乎貞風邈不可
 紀臣愚望 陛下日慎一日雖休勿休揚二聖之風
 越在三王之上含生之衆百世同歡重念臣無昔賢
 良吏之藉稱獲當代出倫之寵草芥自比雨露所滋益
 聖犬馬之誠望答生成之賜云云

益州謝降 詔書獎諭表

臣某言今得進奏院遞到詔書道轉運使黃觀奏據
 本州將吏增道百姓等奉留臣事蒙恩特賜獎諭者

賜書橫

天下有學
次竹筴州飾

伏作仗

民情上達天下臨責實徇名未著分憂之効僥榮冒
寵難逃飭詐之譏循省所因喜愧交至甲謝伏以蜀
土奧區素稱重地國家慎委本為難材况列御帶職
之資屬為郡總戎之美衆臣之內少此兼榮竊念臣
河曲微生儒門末造憑詩書為捷徑取忠義為先聲
果逢求治之朝驟有絕倫之遇入登臺省幸聯心膂
之臣出守山河全控咽喉之地故合竭誠報國百計
安民遠伏皇威奸慝少聞於屏息傍宣聖化疲羸近
似於昭蘇此蓋 徽號皇帝陛下知臣向公任臣不
貳縱有闕政不能移天覆之私縱有謗書不能惑聖
明之慮是致孤臣有賴遠俗無虞竊惟經亂之人易
得在心之感謂臣蒲歲必差替官輒萌犯上之機目
用留臣之奏曲蒙慈旨不責狂言降天上之德音作
劍南之佳氣庸知異獎推為勸善之息却掃無功積
有臨深之惧得不更思尽瘁恭守成規庶求鎮靜之
方少輔庖鴻之德云云

益州謝傳 旨筴諭表

臣某言六月二十五日巡撫屯田員外郎謝濤等奉
傳 聖旨筴諭臣知卿為治極好得卿在彼朕無西
顧之憂庶事更切用心者邊臣之職正恐未周全口

賜筴諭表

所稱已傳不朽何此中才之質得勝絕世之榮直恐
捐軀無以報德中謝竊念臣出身至賤遇主非常強
仕將期方離巖谷兩髦始白已作丞郎况兼直密之
資允在得言之地恨不能長纓請試北係單于雙闕
頌功東封岱嶽此國家之所不欲而卿大夫之所未
裕也一昨西蜀居人頻經擾攘九重選吏頗屬精勤
臣當奉命之初實愜寸心之願所喜者勝殘馭遠得
施報國之勞所幸者去易就難少違偷安之謗臣是
以推誠官列示信戎行布均一於吏民亦誠勵於克
惡併逢稔歲偶免敗官此盖 皇帝陛下德澤四充

賜言樓

聲明允塞蠻夷向化邊方無警析之虞士庶歡心宇
土慶下帷之治猶復居安與念用照而明傍遣使車
撫安遠俗特傳天語下慰孤臣謂臣分西顧之憂深
知不稱使臣有過身之吝以至無言但銘勸善之恩
庶保有終之節云云

昇州到任謝表

臣某言伏奉六月二十七日勅差臣知昇州軍州兼
提舉江南東路兵馬巡檢提賊公事已於八月二十
二日到州署事訖恭以道有所存物無不遂臣榮宿
忝分合退身皇情重惜其辭榮大鎮許從於卧理感

深出涕息極難言中謝臣聞昔者聖居之御人也博
愛溥施包荒濟美九有仰大中之化羣倫無不達之
情伏惟 皇帝陛下恭已臨朝推誠接下英斷比於
太宗寬仁類於 太宗謂選能為共治之賢則躬行
採錄謂節用為恤民之本則慎乃盤遊加不忘功魚
之念旧有若陳繡苦戰田錫直言越次褒延驚駭視
聽梁周翰前朝名輩邢昺望苑元勳俱及老年不許
去位非常禮遇優与俸錢四海之人聚首而議以焉
陛下之德有以繼舜齊堯輝宗映祖若周文之兢持
未足多也書美昌言禮貴養老未為奇也雖聖政無

賜書樓

涯不可妄紀而生民受賜抑又有名竊念臣本族無
稱李文自任爰從中第洎至登朝徒切砥精少防於
責實絕無朋比曲借於餘光凡四轉官便參樞要復
三數歲已忝丞郎信明時驟進之身過徃哲九遷之
遇退量淺劣不稱明揚止在捐軀聊以報國重念臣
少日酒過晚竟病多仰天眷以撫安煩國醫之診護
其如氣候漸劣根本難瘳既乖侍從之儀實玷衣冠
之列豈敢便謀致政堅請分司重閣輒拜於封章小
即覬全於願養不謂睿慈惻愍允澤霑濡作藩更委
於兵權赴任仍兼於水路而復中官賜藥內府支金

任作甚

謂九轉之灵丹可延性命謂三錢之秘宝足了生涯
天意所鍾愚臣備識必將垂世流為美談知微臣遇
主之榮比肩旧老廣 陛下愛人之旨接武前皇臣
雖事上之少勞 陛下待臣之已任而况江山秀絕
民物駢繁獄訟簡清事務整集止仗神砂之力下目
僚吏之勤望保殘年再覩雙闕此愚臣之願 陛下
之息也既感 陛下憂臣之身臣敢不憂 陛下之
事一欲宣導風化惠綏黎元兼令克岐之人漸識淳
和之理憑慈茲懇欵上答恩休云云

賜書樓

乖崖先生文集卷第九

永崖先生文集卷第十

表

賀東封禮畢表

臣某言今月六日密院迺到赦書一道十月二十六日皇帝封禪禮畢大赦天下者臣當時集單州官吏僧道百姓曉諭訖伏以真聖有作萬方樂推非升中無以告不世之功非太平無以行希代之事盛禮云畢鴻休允敷極於無垠不任大慶中謝臣聞安大衆定大業者至德動天地感鬼神者至誠至誠昭晰以發中玄化浸淫而應外然後五兵消偃九有澄清

賜書橫

理作禮

迨於升聞克洽亨昊若夫守治定之理修報本之儀常祀之餘盛典多默自前世稱頌者七十二君漢魏依稀唐亦梗槩以至躋生民於壽域納仁義於中途踵無懷曰叡之風述虞舜東巡之美系我聖宋成乎嗣君恭惟皇帝陛下大道之尊中天而立咨唐堯之宇履法姬周之砥平密勿萬機臣度遵於繩隼精明一德黎元但覓其昭蘇加以天資孝資慈則人歸恭順力行節儉則物有羨饒和氣四充百穀屢稔戎狄不召而自至禎祥過抑而益彰有光揚祖宗輝映今古善頌之口何得而名於是遐方觀國之賓奔

有下有以

馳道路東曾系來之老萃集闕庭洎于黔首緇黃三
事庶尹累陳昌平之績請行封禪之禮皆曰陛下
德至於天故有祥符降空羣鶴引駕德至於地故有
嘉木連理芝草莖昭示衆靈無以殫紀陛下果不
可固讓人情果不可固違者上答神休下祈民福也
是用降時巡之詔著柴望之儀馳道不除帷宮不飾
菲薄之至也無勞居民無天生物仁愛之深也皇
翠華駸駸羽衛方冬之麗日增燠千里之纖埃不飛
既祇肅以登封復懇惻以降禪真茅成禮雖賀北里
之禾檢玉報功實有上玄之命是謂禱祈之善恭讓
於天曠蕩之息宏被於下無一事不更於臨照無一
物不遂於霑濡熙穆淳風輝煥清世追蹤五后式觀
紀號之文邁德宗周更遠卜年之數臣職叨近列任
忝名藩逢大中開泰之期見徃代未行之事痛知分
薄難伸扈蹕之心老覓才微莫逮歌虞之意云云

謝賜 御製御書封禪銘贊記副本表

臣某言進奏院遞到編錄封禪記丁謂等起請御製
御書泰山銘贊記抄錄副本一卷賜臣者聖作深玄
人所難覩外臣有賜恩非出常中謝臣聞渡汾沅誅
止歎於凋年過沛典歌庸思於共守豈若天祚明德

感上育事

識作誠

燕作無
以下次作十三行十
五行同
世傳作傳世

功格上玄既東巡以告成復勒銘以見意煥乎盛業
垂彼無窮誠明代之嘉猷而真聖之能事也恭以
皇帝陛下生知安道天縱多能體二聖之仁明鑑百
王之得失側躬致治元化大同以致和氣四充祥符
下集覽闢下諸生之議感泗上父老之言遂事升中
以展大祀皆謂太平者前王難及之事 陛下致之
泥金者曠代不修之典 陛下行之嚴父配天孝之
至也為民祈福仁何遠哉感宸衷言成國典眷茲近
列許遂榮觀寔類管窺莫從天際有若歸功天地推
德祖宗謙讓在思愴厥屬為識此人世不名之福乃
社稷无疆之休也臣叨塵要職獲守維藩拜賜已來
歡心莫極雖叔藏有耀永為世傳之珍而表方无能
但見感息之淚云云

甘露賀表

賜書樓

臣某言當州自十一月八日甘露降鐘山太平與國
寺松樹大小約千株經月尚在者竊以神物斯來太
平之驗耳目相接遠邇同歡中謝 臣聞政由德成物
以應類雖天地之博大而草木之纖微有感又通無
遠不至恭惟 皇帝陛下真誠御世廣愛臨人、心
平和天意響答始東封之行慶忽甘露以儲休此實

陛下勞神在中而致美於外也德之所感昭然不誣
觀其凝若雪霜甘同飴蜜千株徧結足名希代之珍
再月未融是表罔疆之福臣器能淺薄蹤跡遭逢任
守連城日覩嘉瑞稽人物感通之理抑有前聞紀
皇王遐邇之風曾罔異見云云

謝加階封表

臣某言今日日進奏院迺到官告一通勅牒一道蒙
恩特賜臣大中大夫進封開國公加食邑五百戶勲
實封賜如故者祥符遠燭允澤旁流方忻樂聖之心
又荷惟新之命退量不稱徒切增慙中謝臣聞廣大

賜書樓

惟作維

者天博通為聖天德茂而物遂生聖道行而人受賜
既云不宰何以識其裁成寔曰無名何以盡其言喻
亦猶惟堯與舜法地象天致巍蕩以無稱類生成於
不報也恭惟 皇帝陛下千年應運一德承乾念創
業之克艱未嘗逸豫慮一物之失所每切憂勤明誠
既感於人心聖化遂通於天意故得真仙降祉瑞謀
呈文適彰卜世之期允協大中之道載惟靈契事過
於龜龍方表玄功理同於三五而復順陽春而在宥
奉賞典以加恩善讓不居莫見裁成之朴天下蒙福
但歌仁壽之風臣位亞天官敢參樞要叨預分符之

寄仍司禁暴之權江外素清經歲但窺於兵籍郡中
無事下幃徒守於詔條常慮敗官復榮宥數階封益
峻名跡增華較其冒賞之由實屬逢時之幸得不飲
永勵節休國為心庶求靜治之方少助無為之化云云

昇州謝傳 宣撫問表

臣某言今月三日入內內侍高班陳文懿到州傳宣
賜臣 御札劄子撫問臣疾患者踈蟻微軀雲雷重
施頓覓已蘇之命如登萬彞之寵庭勵過常感愧何
盡中謝竊念臣河壩賤類朝右孤根徒將季古之心
以勗事居之節 先皇知臣守道擢在清流 陛下

賜書樓

天作大

察臣好公委之臣鎮嘗謂官高効淺任重才微履薄
臨深一欲少逃於官謗安民被物尤慙無補於皇風
一昨蒲柳向衰天馬生疾拙醫工之切脉本自中傷
用 灸以然膚即時氣正既緣在假合具奏聞伏蒙
皇帝陛下專命使人特頒宸翰何鄙官之眇未勞天
眷以安存同暗室之睹朝陽類寒暑之遇春煦篤君
臣之分遠不能名傳家世之榮久將益茂恭期畏慎
以報生成云云

謝加工部尚書再任表

臣某言今月 日入內內侍高品楊保政齎到官告

一通勅牒一道蒙恩特授臣工部尚書散官勲對食
實封賜如故仍放朝謝兼奉勅量留一任者非常之
寵出自天心三品之資實踰愚望再循再省以榮以
驚中謝臣聞漢命二千石非政績昭彰者未嘗增秩
唐歷三百年非功行超絕者不得尚書流為美談因
成故事如臣虛謬過有遭逢處近侍之班無一言報
國守諸侯之郡無一善及人縱加勵朽之勤難贖冒
榮之責而况年容向暮疾疹相仍中間伏閭拜章懇
求外任近者回心戀闕欲望替歸遂寫情誠遠塵疏
冕豈期睿眷曲示憂憐命星使於層霄宣王言於南
服增正卿之秩允謂異恩許再任之官足明重寄匪
惟臣愧亦駭衆情蓋以當唐能臣漢旌良吏前載希
有近代罕行一朝併賜於褒崇何路重酬於名器所
以臣愧不稱而衆駭異常也臣得不上体虛懷俯安
遠俗使無違誤少副倚毗云云

昇州又謝傳 宣撫問表

臣某言三月日入內、侍高品趙履信到傳 宣伏
蒙聖慈重疊撫問臣者國有常典即實分符何守吏
之瑣材勞聖居之重顧遠傳中旨下慰殘軀恩既有
加喜亦難及中謝竊念臣幼而嗜孝家本無書閱市

尋師久嘗涉歷策名委質始預遭逢自謂不蠶而衣
不耕而食徒憑官勢坐庇宗親故檢身每切於勵精
承命辭於艱險以至懲奸折滯廢寢食忘餐靜辨公
家一欲酬君之寵祿緝綏黎庶一欲答民之供承是
致過冒寒溫有乖調護盛年抱疾向老便衰一昨西
蜀替歸中樞隸取信班行之絕跡竟聖睠之異倫其
如癖氣傍攻少納大官之膳頭瘡下瀝有慚清驛之
塵所以臣喜偶昌期而悲逢簿祐也遂陳丹悃求莅
偏州感動皇情俯從臣願付金陵之重地委江介之
諸軍無廢攝生僅同卧治未期報政忽復遷官信使

賜書樓

總迴中貴又至瘡痍之未既沐軫憂飲食之間亦令
順適下安孤跡傍駭羣情臣竊覽遺編遐觀往哲有
才大而君不用忠盡而君不知者多矣若臣寒素起
家清朝見任功未著而賞厚誠未立而信深者幸也
蓋遇 皇帝陛下以至聖之能守可大之業明以御
下則邪正畢見其心仁以安人則高卑各遂其性是
以臣粗推愚款感荷殊知豈不使四海之中九河之
內壯夫激節列位快心有以頌 陛下禮士之風遠
逾列聖賞微臣飾身之末無愧前賢臣之叨塵自難
言喻但期強飯一糞分憂庶敷有卒之誠少報不名

之德云云

進文字表

臣某言曰接內侍高品趙履信言語履信謂臣曰多見朝臣言尚書文章高古理道深遠聖君好文何不寫錄一本進呈者始聞此說不覺驚心又緣臣詞奉登科聖君獎遇若无所獻何謂盡誠繕寫之時戰汗交至中謝臣聞於師曰文章興於邃古文物備於三代前聖有作後聖所目者之簡編流為國典誠萬代不易之道也率由齊上下之儀定人倫之序正教所設作民生民之坦途五常所施為濟用之樞紐是故

賜言樓

聖君順指於上賢彥馳驚於下文士之筆斟酌於中陳布道德施張化風有以懲有以勸有以規有以諷正譏議不回則皇猷允若書法不隱則奸邪洗心行以踐言文以見志千狀萬態不失字忠信助治之大端豈止垂諸空言而已乎夫多覽廣記稱博士之流走翰飛文擅應用之最者異日論也此乃聖賢事業豈愚淺能臻乎以至臣三年不敢措思五年不得措詞竊擬遺餘粗陳梗槩故於著撰不能編綴自謂上不至淳文下不迨應用已甘守拙期於畢一遇太祖開基太宗臨極平蜀來越降吳下并復矣漢

恭作恭

又作州
門作州

臣聞汾睢上臯坤儀中宅自漢皇之觀奧復唐后以
致誠年祀寢遙聲響都絕蓋戈旄之未偃而黎獻之
未康雖欲在思實則罔暇忝以 太祖皇帝沉謀英
斷應天順人西取三川南定百越荆蛮既又江吳以
朝 太宗皇帝天資聖文神贊明德控并門之逆節
旌浙右之忠淳於以躬選惟良坐理中道可久之業
無得而名伏惟 皇帝陛下繼體承乾祖仁昭義好
聞正直樂事謙和以唐虞濟物之心下安率土以周
孔治時之法上守慶基遂致風教大和天人合慶沙
漠難羈之虜不召而來天書莫測之祥應期而至路
生民於富壽見昌世之形容一之冊封泰山禪社首功
之至也二之日幸汾陰祀后土禮之得也四恩四出
竟萬有以重熙溢美無窮真聖人之能事臣久塵要
取獲守維藩前道中後從既無階於扈蹕式歌且舞徒
有幸於逢時云云

謝加階食邑表

臣某言云云蒙恩授通奉大夫加食邑五百戶者皇
猷致美臣下震榮捧授之間驚惶失次中謝竊念臣
素無勲績叨預官常江介剖符偶免敗官之責帝御
卧疾未知就列之期伏遇 皇帝陛下法道為宗与

捧授作授捧

賜書樓

聖作則萬善中蘊大明外敷故夫濟世之恩鎮作無
名之卦是致春融萬國影附四夷至德并聞仙祖來
格示延長之年曆諭清淨之化源煌、然業、然有
以見天人合慶社稷永貞亦謂越千古以未聞垂萬
嗣而獨出能稱頌者恐難為詞豈比夫周穆瑤池空
贊白雲之曲漢皇蘭殿惟留非聖之言于以覃霈恩
答嘉貺凡諸有位盡被殊逸臣官忝上御名已過實
復增階級更益戶封惟虞漸老之身難答自天之寵
云云

謝封贈表

賜言樓

臣某言進奏院遞到官告三通臣亡父某蒙 恩贈
太御常亡母謝氏追封新昌郡太夫人妻王氏進封
大原郡夫人者雲雷重施存沒霑恩榮忝過常喜愧
交集中謝臣聞綏和人紀允屬於居臨振奉家声用
光於子道非偶昌平之運克隆敦勸之風則何有變
單門為幸宗登朽骨於名路恭惟 皇帝陛下仁明
濟代孝愛動天四氣均和萬方熙穆然後修墜典禮
百神議法從寬惟民之恤衝、列辟仰慶賜以榮家
眇、旧臣咸賞延於繼絕昭然大賚邈矣難名竊念
臣識昧知微孝慙博古遇八表來王之日用人處多

當九重選吏之時出身特異致使於官秩寔暉映於鄉閭所幸者厚入俸金嘗豐饒於甘脆所喜者重加贈典復光揚於令名既彰為孝之心未有資忠之効臣不得不強扶衰病益勵廉勤宣聖化於平民俾其遂性示皇威於醜類望至悛心少寬南顧之憂以達事君之節云云

辭赴陳州表

臣某言三月十六日中使傳宣安慰臣及賜臣勅牒一道差知陳州仍放朝辭者天寵異常人情皆喜於臣之分其榮可知中謝臣間以義激志者志極於義

賜書樓

以仁感心者心極於仁寔國家統御之大章嘉臣庶導向之常理臣忝不知道心豈辭仁幸逢明聖之朝驟踐樞衡之職東吳西蜀忝預控臨計省憲臺粗曾揚歷分憂察俗既無利事之勤均物繩違又乏當公之譽徒以位叨三品祿厚千鍾適臨蒲柳之秋忽生犬馬之疾深莫能瘡頭瘡起自於膏肓命或可延陰氣非干於臟腑伏遇皇帝陛下仁以濟代聖無不通未明求衣慮一物之失所虛懷待物無一善以見遺溢美具彰稱頌難際是以臣未伸臣節苟過聖知江介告勞特恩与替帝鄉縈疾傳宣免朝若較之於

身則榮由寵及若議之於國則禮自臣違此實關心
惕然如疚不仕則乎古人無志於尊君以食計功廉
士猶嫌於竊祿臣久妨就列坐請俸錢顯成慢上之
尤魚負素餐之責是以臣量其筋力尚可驅馳遂貢
赤誠乞從外任將勤補拙修誠望附於闕官捨逸從
勞本願覲當於臨遠豈謂 皇帝陛下軫其久病念
及衰年俾近王畿處之善地長河路便一行穩泛於
清沅古郡望雅平昔皆稱於易治况臨公之不復
聚族以養和此謂仁以感臣心義以激臣志期不惜
死上報所目再念臣幸偶昌期何多薄祐身世欲將
於此喻神鬼但覺於悲涼初疑泛海之槎暫來天上
翻類拖腸之鼠却到人間今則見促舟人已裝行具
延時滯日欲去還留指德澤以為言詞不尽意望皇
后而積戀淚下霑衣乍遠帝鄉云云

陳州謝到表

臣某言三月十六日中使至傳宣安慰臣并賜勅牒
一道差臣知陳州仍放朝辭者臣已於四月十六日
到州署事訖臣身縈惡疾志切辭縈忽被鴻私令鎮
雅俗衆所皆喜臣独何心中謝臣聞君使臣以礼臣
事君以忠礼無政_正在合宜乃德忠無定跡尽悴者称

實人世之通方古今之常道也竊念臣識量褊促學問荒淺爰從捨釣便遂登科不二十年致位通顯此誠先帝憐臣執古陛下知臣愛公非次轉官越常賜与增官途之壯觀發儒苑之光華較微臣報國之勞累二聖勸能之旨每一念此重生慙顏以至入直樞衡踐歷臺省畧無片善裨贊大猷出鎮藩方兼掌兵柄全虧異政宣導淳風洎至垂年又苦病腦以飲食為滋瘡之母以蒿腸為養痛之根久醫不痊者飲食豈可全去弥年不死者臟腑未嘗有虧昨在昇州初竟增劇非時替罷得遂生還久住帝鄉絕不入

賜書樓

覲有司奉例合至免官 皇帝陛下獨斷見於寬給假日雖衆議無苦而於臣何寧臣又聞無功苟祿者不仁以身違律者有罪既不仁忍乞歸田里亦不敢端坐私家遂貢赤誠表求展外邸 皇帝陛下選之近甸付之華封兼放朝辭取便之任臣奉家順水信宿到官顧其廨宇清虛民俗淳厚過客甚少公事亦稀足以稱陛下憂軫之懷足以致老臣延永之望再造之賜何得而名臣之此來史氏必載云禮部尚書張某久病頭瘡難於巾裹到闕七月不赴朝參憲司彈云臣竄在假百日不朝者准式罷免 皇帝寬

給假告倍加安存不去官不停俸異恩也張某感憤
中發上疏自陳臣瘡腫雖深形氣尚健乞知藩服少
贖悔尤 皇帝親指於陳委之俾又俸外加給賓事
官供安養之餘吾事亦集仍有疾疾与免朝辭新例
也自今及古以臣事君未有來不朝參去不辭謝者
老臣之内寵遇莫俦臣不敢指今之士大夫助臣快
愜却謂千百世後覽宋史者須至掩卷酸鼻上以仰
陛下寬仁厚礼以待老臣下以慶微臣遇主遭時有
蒙餘裕与夫汲黯称病俾卧治一方何曾免朝許就
家視事不同年而比也重念臣忠節甚薄 陛下礼
數過常位已隆矣年已老矣幸已極矣名不朽矣犬
馬殘軀死且無累更欲節餐護氣祛毒添年一望再
入九重之城得覩 至尊之面是臣懇、餘生之幸
願也 云云

賜言樓

